

Broj: 101-2504/20
Datum: 24.10.2020.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke ugovornog organa Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za nabavku opreme za nadogradnju i proširenje digitalnog televizijskog produkcijskog sistema za snimanje, obradu i emitiranje programa u HD formatu sa skladišnim prostorom, sa uključenim uslugama ugradnje, instalacije, konfiguracije i tehničke podrške za potrebe RTV Produkcije ugovornog organa Radiotelevizije Bosne i Hercegovine izabran Konzorcij BH TELECOM d.d. iz Sarajeva i SYS COMPANY d.o.o. iz Sarajeva.

Obrazloženje

Na temelju Odluke generalnog direktora ugovornog organa Radiotelevizije Bosne i Hercegovine br. 101-2223/20 od 31.08.2020. godine Komisija za javne nabavke je pokrenula proceduru po otvorenom postupku nabavke koji za predmet nabavke ima nabavku opreme za nadogradnju i proširenje digitalnog televizijskog produkcijskog sistema za snimanje, obradu i emitiranje programa u HD formatu sa skladišnim prostorom, sa uključenim uslugama ugradnje, instalacije, konfiguracije i tehničke podrške.

Na predmetni postupak nabavke, objavljen 07.09.2020. godine pod brojem 113-1-1-74-3-70/20 na web portalu elektronskih javnih nabavki www.ejn.gov.ba, kao i u „Službenom glasniku BiH“ br. 56/2020 od 11.09.2020. godine, nakon što je tendersku dokumentaciju preuzeo 21 (dvadesetijedan) kandidat, ponude je dostavio Konzorcij:

- BH Telecom d.d. iz Sarajeva, kao nosilac konzorcija i SYS Company d.o.o., također iz Sarajeva, kao član konzorcija sa ukupnom cijenom od KM 1.558.658,09 bez PDV-a, odnosno KM 1.823.629,97 sa uračunatim PDV-om.

Provjerom primljene ponude, komisija je ustanovila da je ponuda Konzorcija BH Telecom d.d. i SYS Company d.o.o., oba sa sjedištem u Sarajevu, u potpunosti validna, kako pravno i ekonomski, tako i sa tehničkog aspekta, jer zadovoljava sve zahtjeve iz tenderske dokumentacije, kao i zahtjevano tehničke karakteristike ponuđene opreme, a u vezi sa detaljnim zahtjevima iz Aneksa 4. tenderske dokumentacije, koji se odnosi na tehničku dokumentaciju predmetne nabavke.

Izvještaj tehničkih članova Komisije od 26.10.2020. godine, te Izvještaj Komisije za javne nabavke čine sastavni dio ove Odluke.

Sa izabranim najpovoljnijim ponuđačem će se zaključiti ugovor na period od 3 (tri) godine.

Na osnovu svega navedenog, a uzimajući u obzir činjenicu da je primljena samo jedna ponuda, koja je u potpunosti validna, te činjenicu da se dodjela ugovora, sukladno članu 64. stav (2) ZJN, zasniva na ekonomski najpovoljnijoj ponudi, ugovorni organ Radiotelevizija Bosne i Hercegovine odlučio je kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornom organu, kao prvostepenoj instanci u postupku, u roku od 10 (deset) dana od dana prijema iste u pisanoj formi, a u skladu sa članom 101. stav (1) tačka d) Zakona o javnim nabavkama Bosne i Hercegovine.

Saglasan:


**Generalni direktor BHRT-a
Belmin Karamehmedović**

Dostaviti:

- Konzorcij BH Telecom d.o.o. - Sarajevo i SYS Company d.o.o. - Sarajevo
- Arhiva